

# 遼史

## 卷三十五之四十三



CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JUL 30 1936

514

T 2455/21



Harvard College Library Imaging Services <http://imaging.harvard.edu>

|            |          |          |           |           |           |          |           |           |          |           |           |            |            |          |    |    |    |
|------------|----------|----------|-----------|-----------|-----------|----------|-----------|-----------|----------|-----------|-----------|------------|------------|----------|----|----|----|
| CM 0       | 1        | 2        | 3         | 4         | 5         | 6        | 7         | 8         | 9        | 10        | 11        | 12         | 13         | 14       | 15 | 16 | 17 |
| Lab D50 2° | 95/0/2   | 81/0/0   | 66/0/0    | 51/0/1    | 35/0/0    | 20/0/0   | 29/19/-54 | 55/-39/33 | 40/9/-43 | 52/48/17  | 31/21/-21 | 72/-23/57  | 50/-28/-29 | 73/19/68 |    |    |    |
|            | 38/14/16 | 66/16/18 | 50/-5/-22 | 43/-14/21 | 55/-9/-25 | 71/-32/0 | 62/34/60  | 40/9/-43  | 52/48/17 | 31/21/-21 | 72/-23/57 | 50/-28/-29 | 73/19/68   |          |    |    |    |



志第五

遼史三十五

佛大學漢和

元開府儀同三司上柱國前中書右丞相監修國史

都總裁 臣脫脫修

兵衛志中

御帳親軍

漢武帝多行幸之事置期門飲飛羽林之目天子始有親  
軍唐太宗加親勳翊千牛之衛布腹心之地防衛密矣遼  
太祖宗室盛彊分迭刺部為二宮衛內虛經營四方未遑  
鳩集皇后述律氏居守之際摘蕃漢精銳為屬珊軍太宗  
益選天下精甲置諸爪牙為



大帳皮室軍

太宗置凡三十萬騎

屬珊軍

地皇后置二十萬騎

宮衛騎軍

太祖以迭剌部受禪分本部為五院六院統以皇族而親衛缺然乃立幹魯朵法裂州縣割戶丁以彊幹弱支詒謀嗣續世建宮衛入則居守出則扈從葬則因以守陵有兵事則五京二州各提轄司傳檄而集不待調發州縣部族十萬騎軍已立具矣恩意親洽兵甲犀利教練完習簡天

下精銳聚之腹心之中懷舊者歲深增新者世盛此軍制之良者也

弘義宮

正丁一萬六千

蕃漢轉丁一萬四千

騎軍六千

長寧宮

正丁一萬四千

蕃漢轉丁一萬二千

騎軍五千



永興宮

正丁六千

蕃漢轉丁一萬四千

騎軍五千

積慶宮

正丁一萬

蕃漢轉丁一萬六千

騎軍八千

延昌宮

正丁二千

彰慶宮

蕃漢轉丁六千

騎軍二千

正丁一萬六千

蕃漢轉丁一萬

騎軍一萬

崇德宮

正丁一萬二千

蕃漢轉丁一萬

騎軍一萬



興聖宮

正丁一萬

蕃漢轉丁四萬

騎軍五千

延慶宮

正丁一萬四千

蕃漢轉丁一萬

騎軍一萬

太和宮

正丁一萬

永昌宮

蕃漢轉丁四萬

騎軍一萬五千

正丁一萬四千

蕃漢轉丁一萬

騎軍一萬

敦睦宮

正丁六千

蕃漢轉丁一萬

騎軍五千



文忠王府

正丁一萬

蕃漢轉丁一萬六千

騎兵一萬

十二宮一府自上京至南京總要之地各置提轄司重地  
每宮皆置內地一二而已太和永昌二宮宜與興聖延慶  
同舊史不見提轄司蓋闕文也

南京

弘義宮提轄司

長寧宮提轄司

永興宮提轄司

積慶宮提轄司

延昌宮提轄司

彰愍宮提轄司

崇德宮提轄司

興聖宮提轄司

延慶宮提轄司

敦睦宮提轄司

文忠王府提轄司

西京

嘉靖八年刊

卷之五

五



弘義宮提轄司

長寧宮提轄司

永興宮提轄司

積慶宮提轄司

彰愍宮提轄司

崇德宮提轄司

延慶宮提轄司

文忠王府提轄司

奉聖州

弘義宮提轄司

平涼

長寧宮提轄司

永興宮提轄司

積慶宮提轄司

彰愍宮提轄司

崇德宮提轄司

興聖宮提轄司

延慶宮提轄司

文忠王府提轄司

平州

弘義宮提轄司

嘉靖八年刊



長寧宮提轄司

永興宮提轄司

積慶宮提轄司

延昌宮提轄司

彰愍宮提轄司

興聖宮提轄司

延慶宮提轄司

文忠王府提轄司

中京

延昌宮提轄司

上京

文忠王府提轄司

文忠王府提轄司

凡諸官衛丁四十萬八千出騎軍十萬二千

大首領部族軍

遼親王大臣體國如家征伐之際往往置私甲以從工事  
大者千餘騎小者數百人著籍皇府國有戎政量借三五  
千騎常留餘兵為部族根本

太子軍

偉王軍



永康王軍

于越王軍

麻谷軍

五押軍

衆部族軍

衆部族分隸南北府守衛四邊各有司存具如左

北府凡二十八部

侍從官帳

奚王府部

鎮南境

五院部

六院部

東北路招討司

烏隗部

東北路統軍司

遙里部

白德部

奧里部

南剋部

北剋部



圖盧部

木考達魯號部

河西部

西北路招討司

突呂不部

奧衍女直部

室韋部

西南路招討司

涅刺部

烏古刺部

涅刺越兀部

梅古忒部

頡的部

匿訖唐古部

鶴刺唐古部

黃龍府都部署司

隗衍突厥部

奧衍突厥部

北唐古部

五國部



烏古敵烈統軍司

迭魯敵烈部

成隗烏古部

北敵烈部

南府凡一十六部

鎮駐西南境

乙室部

西南路招討司

品部

迭達迭刺部

品達魯璽部

乙典女直部

西北路招討司

楮特部

東北路統軍司

達馬鼻古德部

東北路女直兵馬司

乙室奧隗部

東京都部署司

楮特奧隗部



窈爪部

稍瓦部

曷木部

戍倒塌嶺

訛僕括部

屯駐本境

撒里葛部

南唐古部

薛特部

志第五

志第一

遼史三十六

開府儀同三司上柱國前中書右丞相監修國史

都總裁臣脫脫修

兵衛志下

五京鄉丁

遼建五京臨潢契丹故壤遼陽漢之遼東為渤海故國中

京漢遼西地自唐以來契丹有之三京丁籍可記者二十

二萬六千一百蕃漢轉戶為多析津大同故漢地籍丁八

十萬六千七百契丹本戶多隸宮帳部族其餘蕃漢戶丁

分隸者皆不與焉



太祖建皇都于臨潢府太宗定晉晉王石敬瑭來獻十六城乃定四京改皇都為上京有丁一十六萬七千二百

臨潢府

臨潢縣丁七千

長泰縣丁八千

保和縣丁六千

定霸縣丁六千

宣化縣丁四千

潞縣丁六千

易俗縣丁一千五百

遷遼縣丁一千五百

祖州

長霸縣丁四千

咸寧縣丁二千

越王城丁二千

懷州

扶餘縣丁二千

顯理縣丁二千

慶州

玄寧縣丁一萬二千



遼志六  
泰州

興國縣丁一千四百

長春州

長春縣丁四千

烏州

愛民縣丁二千

永州

長寧縣丁九千

義豐縣丁三千

慈仁縣丁八百

儀坤州

廣義縣丁五千

龍化州

龍化縣丁二千

降聖州

永安縣丁一千五百

饒州

長樂縣丁八千

臨河縣丁二千

安民縣丁二千



頭下徽州丁二萬

成州丁八千

懿州丁八千

渭州丁二千

原州丁一千

壕州丁一萬二千

福州丁五百

橫州丁四百

鳳州丁一千

遂州丁一千

豐州丁一千

順州丁二千

間州丁二千

松山州丁一千

豫州丁一千

寧州丁六百

東京本渤海以其地建南京遼陽府統縣六轄軍府州城二十六有丁四萬二千四百天顯十三年太宗改為東京

遼陽府

遼陽縣丁三千



仙鄉縣丁三千

鶴野縣丁二千四百

祈木縣丁二千四百

紫篆縣丁二千

興遼縣丁二千

開州

開遠縣丁二千

鹽州丁五百

穆州丁五百

賀州丁五百

定州

定東縣丁二千六百

保州

來遠縣丁二千

辰州丁四千

盧州丁五百

鐵州丁二千

興州丁三百

湯州丁七百

崇州丁一千



海州丁三千

耀州丁一千二百

嬭州丁七百

涿州丁四千

桓州丁一千

豐州丁五百

正州丁七百

慕州丁三百

南京析津府統縣十轄軍府州城九有丁五十六萬二千

析津府

析津縣丁四萬

宛平縣丁四萬四千

昌平縣丁一萬四千

良鄉縣丁一萬四千

潞縣丁一萬一千

安次縣丁一萬四千

武清縣丁一萬

永清縣丁一萬

香河縣丁一萬四千

玉河縣丁二千



灤陰縣丁一萬

順州

懷柔縣丁一萬

檀州

密雲縣丁一萬

行唐縣丁六千

涿州

范陽縣丁二萬

固安縣丁一萬

新城縣丁一萬

歸義縣丁八萬

易州

易縣丁五萬

涑水縣丁五萬四千

容城縣丁一萬

薊州

漁陽縣丁八千

三河縣丁六千

玉田縣丁六千

平州



盧龍縣丁一萬四千

安喜縣丁一萬

望都縣丁六千

灤州

義豐縣丁八千

馬城縣丁六千

石城縣丁六千

營州

廣寧縣丁六千

景州

遵化縣丁六千

西京大同府統縣七轄軍府州城十七有丁三十二萬三千七百

大同府

大同縣丁二萬

雲中縣丁一萬

天城縣丁一萬

長青縣丁八千

奉義縣丁六千

懷仁縣丁六千



懷安縣丁六千

弘州

永寧縣丁二萬

順聖縣丁六千

德州

宣德縣丁六千

豐州

富民縣丁二千四百

振武縣鄉兵三百

奉聖州

永興縣丁一萬六千

礮山縣丁六千

龍門縣丁八千

望雲縣丁二千

歸化州

文德縣丁二萬

可汗州

懷來縣丁六千

儒州

縉山縣丁一萬



蔚州

靈仙縣丁四萬

定安縣丁二萬

飛狐縣丁一萬

靈丘縣丁六千

廣陵縣丁六千

應州

金城縣丁一萬六千

渾源縣丁一萬

河陰縣丁六千

朔州

鄯陽縣丁八千

寧遠縣丁四千

馬邑縣丁六千

金肅軍防秋兵一千

武州

神武縣丁一萬

河清軍防秋兵一千

聖宗統和二十三年城七金山建大定府號中京統縣九  
轄軍府州城二十三草創未定丁籍莫考可見者一縣



高州

三韓縣丁一萬

大約五京民丁可見者一百一十萬七千三百為鄉兵

屬國軍

遼屬國可紀者五十有九朝貢無常有事則遣使徵兵或下詔專征不從者討之助軍衆寡各從其便無常額又有鐵不得國者與宗重熙十七年乞以六助攻夏國詔不許

吐谷渾

鐵驪

靺鞨

兀惹

黑車子室韋

西奚

東部奚

烏馬山奚

斜離底

突厥

党項

小蕃

沙陀

卷八



阿卜

烏古

素昆那

胡母思山蕃

波斯

大食

甘州回鶻

新羅

烏孫

燉煌

賃烈

要單

回鶻

轄曼斯

吐蕃

黃室韋

小黃室韋

大黃室韋

阿薩蘭回鶻

于頡



師子

北文直

河西党項

南京女直

沙州燉煌

曷蘇館

沙州回鶻

查只底

蒲盧毛朶

蒲奴里

大蕃

高昌

回拔

頰里

達里底

拔思母

敵烈

粘八葛

梅里急

耶覩刮



曷骨德

和州回鶻

韓朗改

高麗

西夏

女直

遼之爲國鄰於梁唐晉漢周宋晉以恩故始則父子一家終則寇讎相攻梁唐周隱然一敵國宋惟太宗征北漢遼不能採餘多敗屛縱得亦不愆失良由石晉獻土中國失五關之故然也高麗小邦屢喪遼兵非以險阻足恃故歟

西夏彈丸之地南敗宋東抗遼雖西北士馬雄勁元昊諒祚智勇過人能使党項阻卜掣肘大國蓋亦襟山帶河有以助其勢耳雖然宋久失地利而舊志言兵唯以敵宋爲務踰三關聚議北京猶不敢輕進豈不以大河在前三鎮在後臨事好謀之審不容不然歟二帳十二宮一府五京有兵一百六十四萬二千八百宮丁大首領諸部族中京頭下等州屬國之衆皆不與焉不輕用之所以長世

邊境戍兵

又得高麗大遼事跡載東境戍兵以備高麗女直等國見其守國規模布置簡要舉一可知三邊矣



東京至鴨綠西北峰為界

黃龍府正兵五千

咸州正兵一千

東京公女直界至鴨綠江

軍堡凡七十各守軍二十人計正兵一千四百

來遠城宣義軍營八

太子營正兵三百

大營正兵六百

蒲州營正兵二百

新營正兵五百

加陀營正兵三百

王海城正兵三百

柳白營正兵四百

沃野營正兵一千

神虎軍城正兵一萬大康十年置

右一府一州二城七十堡八營計正兵一萬二千

志第六



卷第七

遼史三十七

元開府儀同三司上柱國前中書右丞相監修國史

都總裁臣脫脫修

地理志一

帝堯畫天下為九州舜以冀青地大分幽并營為州十有

二幽州在渤海之間并州北有代朔營州東暨遼海其地

負山帶海其民執干戈奮武衛風氣剛勁自古為用武之

地太祖以迭刺部之衆代遙輦氏起臨潢建皇都東併渤

海得城邑之居百有二太宗立晉有幽丞檀薊順營平蔚

朔雲應新媯儒武襄十六州於是割古幽并營之境而



有之矣朝高麗西臣夏國南于石晉而兄弟趙宋吳越南  
唐航海輸貢嘻其盛矣遼國其先曰契丹本鮮卑之地居  
遼澤中去榆關一千一百三十里去幽州又七百一十四  
里南控黃龍北帶潢水冷陁屏右遼河塹左高原多榆柳  
下濕饒蒲葦當元魏時有地數百里至唐大賀氏蠶食扶  
餘室韋奚靺鞨之區地方二千餘里貞觀二年以其地置  
玄州尋置松漠都督府建八部爲州各置刺史達稽部曰  
峭落州紇便部曰彈汗州獨活部曰無逢州芬阿部曰羽  
陵州突便部曰日連州芮奚部曰徒河州墜斤部曰萬丹  
州伏部曰匹黎赤山二州以大賀氏窟哥爲使持節十州

軍事分州建官蓋昉於此迨于五代闢地東西二千里遙  
更八部曰旱利皆部乙室活部實活部納尼部頰沒  
部內會雞部集解部奚嗚部屬縣四十有一每部設刺史  
縣置令太宗以皇都爲上京升幽州爲南京改南京爲東  
京聖宗城中京興宗升雲州爲西京於是五京備焉又以  
征伐俘戶建州襟要之地多因舊居名之加以私奴置投  
下州總京五府六州軍城百五十有六縣二百有九部族  
五十有二屬國六十東至于海西至金山暨于流沙北至  
臚胸河南至白溝幅員萬里

上京道



上京臨潢府本漢遼東郡西安平之地新莽曰比安平太祖取天梯別魯等三山之勢于鞏甸射金甌箭以識之謂之龍眉宮神冊三年城之名曰皇都天顯十三年更名上京府曰臨潢深流河自西北南流遼京三面東入于曲江其北東流爲按出河又有御河沙河黑河潢河鴨子河他魯河狼河蒼耳河輞子河臚胸河陰涼河豬河鴛鴦湖與國惠民湖廣濟湖鹽灤百狗灤大神淀馬孟山兔兒山野鵲山鹽山鑿山松山平地松林大芥山列山屈劣山勒得山唐所封大賀氏勒得王有墓存焉戶三萬六千五百轄軍府州城二十五統縣十

臨潢縣太祖天贊初南攻燕薊以所俘人戶散居潢水之北縣臨潢水故以名地宜種植戶二千五百

長泰縣本渤海國長平縣民太祖伐大諲譔先得是邑遷其人於京西北與漢民雜居戶四千

定霸縣本扶餘府強師縣民太祖下扶餘遷其人於京西與漢人雜處分地耕種統和八年以諸宮提轄司人戶置隸長寧宮戶三千

保和縣本渤海國富利縣民太祖破龍州盡徙富利縣人散居京南統和八年以諸宮提轄司人戶置隸彰愍宮戶四千



潞縣本幽州潞縣民天贊元年太祖破薊州掠潞縣民  
布於京東與渤海人雜處隸崇德宮戶二千

易俗縣本遼東渤海之民太平九年大延琳結構遼東  
夷叛圍守經年乃降盡遷於京北置縣居之是年又徙  
渤海叛人家屬置焉戶一千

遷遼縣本遼東諸縣渤海人大延琳叛擇其謀勇者置  
之左右後以城降戮之徙其家屬於京東北故名戶千

渤海縣本東京人因叛徙置

興仁縣開泰二年置

宣化縣本遼東神化縣民太祖破鴨綠府盡徙其民居

京之南統和八年以諸宮提轄司人戶置隸彰愍宮戶

四千

上京太祖創業之地負山抱海天險足以爲固地天宜耕  
植水草便畜牧金甌一箭二百年之基壯矣天顯元年平

渤海歸乃展郭郎建宮室名以天贊起三大殿曰開皇安

德五鑾中有歷代帝王御容每月朔望節辰忌日在京文

武百官並赴致祭又於內城東南隅建天雄寺奉安烈考

宣簡皇帝遺像是歲太祖崩應天皇后於義節寺斷腕實

太祖陵即寺建斷腕樓樹碑焉太宗援立晉遣宰相馮道

劉昫等持節具鹵簿法服至此冊上太宗及應天皇后尊



號太宗詔蕃部並依漢制御開皇殿闕承天門受禮因改  
皇都爲上京城高二丈不設敵樓幅員二十七里門東曰  
迎春曰鴈兒南曰順陽西曰金鳳曰西鴈兒曰南福其北  
謂之皇城高三丈有樓櫓門東曰安東南曰大順西曰乾  
德北曰拱辰中有大內內南門曰承天有樓閣東門曰東  
華西曰西華此通內出入之所正南街東留守司衙次鹽  
鐵司次南門龍寺街南曰臨潢府其側臨潢縣縣西南崇  
孝寺承天皇后建寺西長泰縣又西天長觀西南國子監  
監北孔子廟廟東節義寺又西北安國寺太宗所建寺東  
齊天皇后故宅宅東有元妃宅即法天皇后所建也其南

具聖尼寺綾錦院內省司麴院贍國省司二倉皆在大內  
西南八作司與天雄寺對南城謂之漢城南當橫街各有  
樓對峙下列井肆東門之北潞縣又東南與仁縣南門之  
東回鶻營回鶻商販留居上京置營居之西南同文驛諸  
國信使居之驛西南臨潢驛以待夏國使驛西福先寺寺  
西宣化縣西南定霸縣縣西保和縣西門之北易俗縣縣  
東遷遼縣

周廣順中胡嶠記曰上京西樓有邑屋市肆交易無錢而  
用布有綾錦諸工作宦者翰林伎術教坊角觝儒僧尼道  
士中國人并汾幽薊爲多宋大中祥符九年薛映記曰上



京者中京正北八十里至松山館七十里至崇信館九十  
里至廣寧館五十里至姚家寨館五十里至咸寧館三十  
里度潢水石橋旁有饒州唐於契丹嘗置饒樂今渤海人  
居之五十里保和館度黑水河七十里宣化館五十里長  
泰館館西二十里有佛舍民居即祖州又四十里至臨潢  
府自過崇信館乃契丹舊境其南奚地也入西門門曰金  
德內有臨潢館子城東門曰順陽北行至景福門又至承  
天門內有昭德宣政二殿與檀廬皆東向臨潢西北二百  
餘里號涼淀在饅頭山南避暑之處多豐葺掘地丈餘即  
有堅冰

祖州天成軍上節度本遼右八部世沒里地太祖秋獵多  
於此始置西樓後因建城號祖州以高祖昭烈皇帝曾祖  
莊敬皇帝祖考簡獻皇帝皇考宣簡皇帝所生之地故名  
城高二丈無敵棚幅員九里門東曰望京南曰大夏西曰  
液山北曰興國西北隅有內城殿曰兩明奉安祖考御容  
曰二儀以白金鑄太祖像曰黑龍曰清秘各有太祖微時  
兵仗器物及服御皮毳之類存之以示後嗣使勿忘本內  
南門曰興聖凡三門上有樓閣東西有角樓東爲州解及  
諸官廨舍綾錦院班院祗候蕃漢渤海三百人供給內府  
取索東南橫街四隅有樓對峙下連市肆東長霸縣西咸



寧縣有祖山山有太祖天皇帝廟御靴尚存又有龍門黎  
谷液山液泉白馬獨石天梯之山水則南沙河西液泉太  
祖陵鑿山爲殿曰明殿殿南嶺有膳堂以備時祭門曰黑  
龍東偏有聖蹤殿立碑述太祖遊獵之  
事殿東有樓立碑  
以紀太祖創業之功皆在州西五里天  
顯中太宗建隸弘  
義宮統縣二城一

長霸縣本龍州長平縣民遷于此戶二千

咸寧縣本長寧縣破遼陽遷其民置戶一千

越王城太祖伯父于越王述魯西伐党項吐渾俘其民  
放牧於此因建城在州東南二十里戶一千

懷州奉陵軍上節度本唐歸誠州太宗行帳放牧於此天  
贊中從太祖破扶餘城下龍泉府俘其人築寨居之會同  
中掠燕薊所俘亦置此太宗崩葬西山曰懷陵大同元年  
世宗置州以奉焉是年有騎十餘獵于祖州西五十里大  
山中見太宗乘白馬獨追白狐射之一發而斃忽不見但  
獲狐與矢是日太宗崩于灤城後於其地建廟又於州之  
鳳凰門繪太宗馳騎貫狐之像穆宗被害葬懷陵側建鳳  
凰殿以奉焉有清涼殿爲行幸避暑之所皆在州西二十  
里隸永興宮統縣二

扶餘縣本龍泉府太祖遷渤海扶餘縣降戶於此世宗



置縣戶一千五百

顯理縣本顯理府人太祖伐渤海俘其王大誣誤遷民於此世宗置縣戶一千

慶州玄寧軍上節度本大保山黑河之地巖谷險峻穆宗建城號黑河州每歲來幸射虎障鷹軍國之事多委大臣後遇弒於此以地苦寒統和八年州廢聖宗秋畋愛其奇秀建號慶州遼國五代祖勃突貌異常有武略力敵百人衆推爲王生于勃突山因以名沒葬山下在州二百里慶雲山本黑嶺也聖宗駐蹕愛羨曰吾萬歲後當葬此興宗遵遺命建永慶陵有望仙殿御容殿置蕃漢守陵二千戶

並隸大內都總管司在州西二十里有黑山赤山太保山老翁嶺饅頭山興國湖轄失灤黑河景福元年復置更隸興聖宮統縣三

玄德縣本黑山黑河之地景福元年括落帳人戶從便居之戶六千

孝安縣

富義縣本義州太宗遷渤海義州民於此重熙元年降義豐縣後更名隸弘義宮

秦州德昌軍節度本契丹二十部族放牧之地因黑鼠族累犯通化州民不能禦遂移東南六百里來建城居之以



近本族黑鼠穴居膚黑吻銳類鼠故以名州隸延慶宮兵  
事屬東北統軍司統縣二

樂康縣倚郭

興國縣本山前之民因罪配流至此興宗置縣戶七百  
長春州韶陽軍下節度本鴨子河春獵之地興宗重熙八  
年置隸延慶宮兵事屬東北統軍司統縣一

長春縣本混同江地燕薊犯罪者流配於此戶二千

烏州靜安軍刺史本烏丸之地東胡之種也遼北大王撥  
刺占爲牧建城後官收隸興聖宮有遼河夜河烏丸川烏  
丸山統縣一

愛民縣撥刺王從軍南征俘漢民置于此戶一千

永州永昌軍觀察承天皇帝太后所建太祖於北置南樓乾  
亨三年置州于皇子韓八墓側東潢河南土河二水合流  
故號永州冬月牙帳多駐此謂之冬捺鉢有木葉山上建

契丹始祖廟竒首可汗在南廟可敦在北廟繪塑二聖并

八子神像相傳有神人乘白馬自馬孟山浮土河而東有

天女駕青牛車由平地松林泛潢河而下至木葉山二水

合流相遇爲配偶生八子其後族屬漸盛分爲八部每行

軍及春秋時祭必用白馬青牛示不忘本云興王寺有白

衣觀音像太祖接石晉主中國自潞州迴入幽州幸大悲



閣指此像曰我夢神人令送石郎為中國帝即此也因移木葉山建廟春秋告賽尊為家神興軍必告之乃合符傳箭於諸部又有高淀山柳林淀亦曰馬淀隸彰德宮統縣

三

長寧縣本顯德府縣名太祖平渤海遷其民於此戶四千五百

義豐縣本鐵利府義州遼兵破之遷其民於南樓之西北仍名義州重熙元年廢州改今縣在州西北一百里又嘗改置義縣屬秦州始末不可具考今兩存之戶一千五百

慈仁縣太宗以皇子只撒古亡置慈州墻西重熙元年州廢改今縣戶四百

儀坤州啓聖軍節度本契丹右大部地應天皇后建州回鶻糯思居之至四世孫咨我梅里生應天皇后述律氏適太祖太祖開拓四方平渤海后有力焉俘掠有伎藝者多歸帳下謂之屬珊以所生之地置州州建啓聖院中為儀寧殿太祖天皇帝應天皇后銀像在焉隸長寧宮統縣

廣義縣本回鶻部牧地應天皇后以四征所俘居之因建州縣統和八年以諸宮提轄司戶置來遠縣十三年



併入戶二千五百

龍化州與國軍下節度本漢北安平縣地契丹始祖竒首  
可汗居此稱龍庭太祖於此建東樓唐天復二年太祖為  
迭烈部夷離董破代北遷其民建城居之明年伐女直俘  
數百戶實焉天祐元年增修東城制度頗壯麗十二年太  
祖於城東金鈴岡受尊號曰大聖大明天皇帝建元神冊  
大顯元年崩于東樓太宗升節度隸彰愍宮兵事屬北路  
女直兵馬司刺史州一未詳統縣一

龍化縣太祖東伐女直南掠燕薊所俘建城置邑戶一  
千

降聖州開國軍下刺史本大部落東樓之地太祖春月行  
帳多駐此應天皇后夢神人金冠素服執兵仗貌甚丰美  
異獸十二隨之中有黑兔躍入后懷因而有娠遂生太宗  
時黑雲覆帳光照室有聲如雷諸部異之穆宗建州四  
面各三十里禁樵採放牧先屬延昌宮後隸彰愍宮統縣  
一  
永安縣本龍原府慶州縣名太祖平渤海破懷州之末  
安遷其人置寨於此建縣戶八百

饒州臣義軍中節度本唐饒樂府地貞觀中置松漠府太  
祖完葺故壘有潢河長水濼没打河青山大福山松山隸



延慶宮統縣三

長樂縣本遼城縣名太祖伐渤海遷其民建縣居之戶  
四千內一千戶納鐵

臨河縣本豐永縣人太宗分兵伐渤海遷於潢水之曲  
戶一千

安民縣太宗以渤海諸邑所俘雜置戶一千

頭下軍州皆諸王外戚大臣及諸部從征俘掠或置生口  
各團集建州縣以居之橫帳諸王國舅公上許創立州城  
自餘不得建城郭朝廷賜州縣額其節度使朝廷命之刺  
史以下皆以本主部曲充焉官位九品之下及井邑商賈

之家徵稅各歸頭下唯酒稅課納上京鹽鐵司

徽州宣德軍節度景宗女秦晉大長公主所建媵臣萬戶  
在宜州之北二百里因建州城北至上京七百里節度使  
以下皆公主府署戶一萬

成州長慶軍節度聖宗女晉國長公主以上賜媵臣戶置  
在宜州北一百六十里因建州城北至上京七百四十里  
戶四千

懿州廣順軍節度聖宗女燕國長公主以上賜媵臣戶置  
在顯州東北二百里因建州城西北至上京八百里戶四千  
渭州高陽軍節度駙馬都尉蕭昌裔建尚秦國王隆慶女



韓國長公主以所賜媵臣建州城顯州東北二百五十里  
遼制皇子嫡生者其女與帝女同戶一千

壕州國舅宰相南征俘掠漢民居遼東西安平縣故地在  
顯州東北二百二十里西北至上京七百二十里戶六千  
原州本遼東北安平縣地顯州東北三百里國舅金德俘  
掠漢民建城西北至上京八百里戶五百

福州國舅蕭寧建南征俘掠漢民居北安平縣故地在原  
州北二十里西北至上京七百八十里戶三百

橫州國舅蕭克忠建部下牧人居漢故遼陽縣地因置州  
城在遼州西北九十里西北至上京七百二十里有橫山

戶二百

鳳州橐離國故地渤海之安 寧郡境南三府五帳分地在

韓州北二百里西北至上京 九百里戶四千

遂州本高州地南王府五帳 放牧於此在檀州西二百里

西北至上京一千九百里戶五百

豐州本遼澤大部落遙輦氏 僧隱牧地北至上京二百五

十里戶五百

順州本遼隊縣地橫帳南王 府俘掠燕薊順州之民建城

居之在顯州東北一百二十 里西北至上京九百里戶一

千



閭州羅古王牧地近醫巫閭山在遼州西一百二十里西北至上京九百五十里戶一千

松山州本遼澤大部落橫帳普古王牧地有松山北至上京一百七十里戶五百

豫州橫帳陳王牧地南至上京三百里戶五百

寧州本大賀氏勒得山橫帳管寧王放牧地在豫州東八十里西南至上京三百五十里戶三百

邊防城

遼國西北界防邊城因山成而立務揀形勝不資丁賦具列如左

靜州觀察本秦州之金山天慶六年升

鎮州建安軍節度本古可敦城統和二十二年皇太妃奏

置選諸部族二萬餘騎充屯軍專捍禦室韋羽厥等國凡

有征討不得抽移渤海女直漢人配流之家七百餘戶分

居鎮防維二州東南至上京三千餘里

維州刺史

防州刺史

河董城本回鶻可敦城語訛為河董城久廢遼人定之以

防邊惠高州界女直常為盜劫掠行旅遷其族於此東南

至上京一千七百里



靜邊城本契丹二十部族水草地北鄰羽厥每入為盜建  
城置兵千餘騎防之東南至上京一千五百里  
皮被河城地控北邊置兵五百於此防托皮被河出回紇  
北東南經羽厥入臚胸河沿河董城北東流合沱灤河入  
于海南至上京一千五百里  
招州綏遠軍刺史開泰三年以女直戶置隸西北路招討  
司  
塔懶主城大康九年置在臚胸河

志第七

志第八

遼史三十一

元開府儀同三司上柱國前中書右丞相監修國史  
都總裁臣脫脫修

地理志二

東京道

東京遼陽府本朝鮮之地周武王釋箕子囚去之朝鮮因  
以封之作八條之教尚禮義富農桑外戶不閉人不為盜  
傳四十餘世燕屬真番朝鮮始置由築障秦屬遼東外徼  
漢初燕人滿王故空地武帝元封二年定朝鮮為真番臨  
屯樂浪玄菟四郡後漢出入青幽二州遼東玄菟二郡沿



華不常漢末爲公孫度所據傳子康孫淵自稱燕王建元  
紹漢魏城之晉曰高麗後歸慕容垂子寶以勾麗王安爲  
平州牧居之元魏太武遣使至其所居平壤城遼東京本  
此唐高宗平高麗於此置安東都護府後爲渤海大氏所  
有大氏始保挹婁之東牟山武后萬歲通天中爲契丹盡  
患所逼有乞乞仲象者度遼水自固武后封爲震國公傳  
子祚榮建都邑自稱震王併吞海北地方五千里兵數十  
萬中宗賜所都曰忽汗州封渤海郡王十有二世至彝震  
僭號改元擬建宮闕有五京十五府六十二州爲遼東盛  
國忽汗州即故平壤城也號中京顯德府太祖建國攻渤

海接忽汗城俘其王大諲譔以爲東丹王國立太子圖欲  
爲人皇王以主之神冊四年葺遼陽故城以渤海漢戶建  
東平郡爲防禦州天顯三年遷東丹國民居之升爲南京  
城名天福高三丈有樓櫓幅員三十里八門東曰迎陽東  
南曰韶陽南曰龍原西南曰顯德西曰大順西北曰大遼  
北曰懷遠東北曰安遠宮城在東北隅高三丈具敵樓南  
爲三門壯以樓觀四隅有角樓相去各二里宮牆北有讓  
國皇帝御容殿大內建二殿不置宮嬪唯以內省使副判  
官守之大東丹國新建南京碑銘在宮門之南外城謂之  
漢城分南北市中爲着樓晨集南市夕集北市街西有金



德寺大悲寺駙馬寺鐵幡竿在焉趙頭陀寺留守衙戶部  
司軍巡院歸化營軍千餘人河朔亡命皆籍于此東至北  
烏魯虎克四百里南至海邊鐵山八百六十里西至望平  
縣海口三百六十里北至挹婁縣范河二百七十里東西  
南三面抱海遼河出東北山口為范河西南流為大口入  
于海東梁河自東山西流與渾河合為小口會遼河入于  
海又名太子河亦曰大梁水渾河在東梁范河之間沙河  
出東南山西北流徑蓋州入于海有蒲河清河淇水亦曰  
泥河又曰蘄芋灤水多蘄芋之草駐蹕山唐太宗征高麗  
駐蹕其巔數日勒石紀功焉俗稱手山山巔平石之上有

掌指之狀泉出其中取之不竭又有明王山白石山亦曰  
橫山天顯十三年改南京為東京府曰遼陽戶四萬六百  
四轄州府軍城八十七統縣九

遼陽縣本渤海國金德縣地漢淇水縣高麗改為勾麗  
縣渤海為常樂縣戶一千五百

仙鄉縣本漢遼隊縣渤海為永豐縣神仙傳云仙人白  
仲理能煉神丹點黃金以救百姓戶一千五百

鶴野縣本漢居就縣地渤海為雞山縣昔丁令威家此  
去家千年化鶴來歸集於華表柱以味畫表云有鳥有  
鳥丁令威去家千年今來歸城郭雖是人民非何不學



仙塚壘戶一千二百

析木縣本漢均平縣地渤海為花山縣戶一千

紫蒙縣本漢鏤方縣地後拂涅國置東平府領蒙州紫蒙縣後徙遼城并入黃嶺縣渤海復為紫蒙縣戶一千與遼縣本漢平郭縣地渤海改為長寧縣唐元和中渤海王大仁秀南定新羅北略諸部開置郡邑遂定今名戶一千

肅慎縣以渤海戶置

歸仁縣

順化縣

開州鎮國軍節度本滅貊地高麗為慶州渤海為東京龍原府有宮殿都督慶鹽穆賀四州事故縣六曰龍原永安烏山壁谷熊山白楊皆廢疊石為城周圍二十里唐薛仁貴征高麗與其大將溫沙門戰熊山擒善射者於石城即此太祖平渤海徙其民于大部落城遂廢聖宗伐新羅還周覽城基復加完葺開泰三年遷雙韓二州千餘戶實之號開封府開遠軍節度更名鎮國軍隸東京留守兵事屬東京統軍司統州三縣一

開遠縣本柵城地高麗為龍原縣渤海因之遼初廢聖宗東討復置以軍額民戶一千



鹽州本渤海龍河郡故縣四海陽接海格川龍河皆廢  
戶三百隸開州相去一百四十里

穆州保和軍刺史本渤海會農郡故縣四會農水岐順  
化美縣皆廢戶三百隸開州東北至開州一百二十里  
統縣一

會農縣

賀州刺史本渤海吉理郡故縣四洪賀送誠吉理石山  
皆廢戶三百隸開州

定州保寧軍高麗置州故縣一曰定東聖宗統和十三年  
升軍遷遼西民實之隸東京留守司統縣一

定東縣高麗所置遼徙遼西民居之戶八百

保州宣義軍節度高麗置州故縣一曰來遠聖宗以高麗  
王詢擅立問罪不服開泰三年取其保定二州統和末高  
麗降於此置推場隸東京統軍司統州軍二縣一

來遠縣初徙遼西諸縣民實之又徙奚漢兵七百防戍  
焉戶一千

宣州定遠軍刺史開泰三年徙漢戶置隸保州  
懷化軍下刺史開泰二年置隸保州

辰州奉國軍節度本高麗蓋牟城唐太宗會李世勣攻破  
蓋牟城即此渤海改為蓋州又改辰州以辰韓得名并邑



駢列最為衝會遼徙其民於祖州初曰長平軍戶三千隸  
東京留守司統縣一

建安縣

廬州玄德軍刺史本渤海杉廬郡故縣五山陽杉廬漢陽  
白巖霜巖皆廢戶三百在京東一百二十里兵事屬南女  
直湯河司統縣一

熊岳縣西至海一十五里傍海有熊岳山

來遠城本熟女直地統和中伐高麗以燕軍驍猛置兩指  
揮建城防戍兵事屬東京統軍司

鐵州建武軍刺史本漢安市縣高麗為安市城唐太宗攻

之不下薛仁貴白衣登城即此渤海置州故縣四位城河

端蒼山龍珍皆廢戶一千在京西南六十里統縣一

湯池縣

興州中興軍節度本漢海宜縣地渤海置州故縣二盛晉

蒜山鐵山皆廢戶二百在京西南二百里

湯州本漢襄平縣地故縣五靈峯常豐白石均谷嘉和皆

廢戶五百在京西北一百里

崇州隆安軍刺史本漢長岑縣地渤海置州故縣三崇山

瀋水綠城皆廢戶五百在京東北一百五十里統縣一

崇信縣



海州南海軍節度本沃沮國地高麗爲沙卑城唐李世勣嘗攻焉渤海號南京南海府疊石爲城幅員九里都督沃晴椒三州故縣六沃沮鷲巖龍山濱海昇平靈泉皆廢太平中大延琳叛南海城堅守經歲不下別部酋長皆被擒乃降因盡徙其民於上京置遷遼縣移澤州民來實之戶一千五百統州二縣一

臨溟縣

耀州刺史本渤海椒州故縣五椒山貂嶺漸泉尖山巖淵皆廢戶七百隸海州東北至海州二百里統縣一

巖淵縣東界新羅故平壤城在縣西南東北至海州

一百二十里

嬪州柔遠軍刺史本渤海晴州故縣五天晴神陽蓮池狼山仙巖皆廢戶五百隸海州東南至海州一百二十里

涿州鴨渌軍節度本高麗故國渤海號西京鴨渌府城高三丈廣輪二十里都督神桓豐正四州事故縣三神鹿神化劍門皆廢大延琳叛遷餘黨於上京置易俗縣居之在者戶二千隸東京留守司統州四縣二

弘聞縣

神鄉縣



桓州高麗中都城故縣三桓都神鄉淇水皆廢高麗王於此初立宮闕國人謂之新國五世孫劄晉康帝建元初為慕容皝所敗宮室焚蕩戶七百隸涿州在西南二百里

豐州渤海置盤安郡故縣四安豐渤恪隰壤硤石皆廢戶三百隸涿州在東北二百一十里

正州本沸流王故地國為公孫康所併渤海置沸流郡有沸流水戶五百隸涿州在西北三百八十里統縣一

東耶縣本漢東耐縣地在州西七十里

慕州本渤海安遠府地故縣二慕化崇平久廢戶二百

隸涿州在西北二百里

顯州奉先軍上節度本渤海顯德府地世宗置以奉顯陵

顯陵者東丹人皇王墓也人皇王性好讀書不喜射獵購

書數萬卷置盤巫間山絕頂築堂曰望海山南去海一百

二十里大同元年世宗親護人皇王靈駕歸自汴京以人

皇王愛盤巫間山水奇秀因葬焉山形掩抱六重於其中

作影殿制度宏麗州在山東南遷東京二百餘戶以實之

應曆元年穆宗葬世宗於顯陵西山仍禁樵採有十三山

有沙河隸長寧積慶二宮兵事屬東京都部署司統州三

縣三



奉先縣本漢無慮縣即鑿平問幽州鎮山世宗析遼東  
長樂縣民以為陵戶隸長寧宮

山東縣本漢望平縣穆宗割渤海永豐縣民為陵戶隸  
積慶宮

歸義縣初置顯州渤海民自來助役世宗嘉欄因籍其  
人戶置縣隸長寧宮

嘉州嘉平軍下刺史隸顯州

遼西州阜成軍中刺史本漢遼西郡地世宗置州隸長  
寧宮屬顯州統縣一

長慶縣統和八年以諸宮提轄司人戶置

康州下刺史世宗遷渤海率賓府人戶置屬顯州初建  
長寧宮後屬積慶宮統縣一

率賓縣本渤海率賓府地

宗州下刺史在遼東石熊山耶律隆運以所俘漢民置聖  
宗立為州隸文忠王府王薨屬提割司統縣一

熊山縣本渤海縣地

乾州廣德軍上節度本漢無慮縣地聖宗統和二年置以  
奉景宗乾陵有疑神殿隸崇德宮兵事屬東京都部署司  
統州一縣四

奉陵縣本漢無慮縣地括諸落帳戶助營山陵



延昌縣析延昌宮戶置

靈山縣本渤海靈峰縣地

司農縣本渤海麓郡縣併麓波雲川二縣入焉

海北州廣化軍中刺史世宗以所俘漢戶置地

之西南海之北初隸宣州後屬乾州統縣一

開義縣

貴德州寧遠軍下節度本漢襄平縣地漢公孫度所據太

宗時察割以所俘漢民置後以弒逆誅沒入焉聖宗建貴

德軍後更名有陀河大寶山隸崇德宮兵事屬東京都部

署司統縣二

貴德縣本漢襄平縣渤海為崇山縣

奉德縣本渤海綠城縣地常置奉德州

瀋州昭德軍中節度本挹婁國地渤海建瀋州故縣九皆

廢太宗置興遼軍後更名初隸永興後屬敦睦宮兵事隸

東京都部署司統州一縣二

樂郊縣太祖俘蘇州三河民建三河縣後更名

靈源縣太祖俘蘇州史民建漁陽縣後更名

巖州白巖軍下刺史本渤海白巖城太宗撥屬瀋州初

隸長寧宮後屬敦睦宮統縣一

白巖縣渤海置



集州懷衆軍下刺史古俾離郡地漢屬險瀆縣高麗爲霜  
巖縣渤海置州統縣一

奉集縣渤海置

廣州防禦漢屬襄平縣高麗爲當山縣渤海爲鐵利郡太  
祖遷渤海人居之建鐵利州統和八年省開泰七年以漢  
置統縣一

昌義縣

遼州始平軍下節度本拂涅國城渤海爲東平府唐太宗  
親征高麗李世勣拔遼城高宗詔程振蘇定方討高麗至  
新城大破之皆此地也太祖伐渤海先破東平府遷民

之故東平府都督伊蒙陀黑北五州共領縣十八皆廢太  
祖改爲州軍曰東平太宗更爲始平軍有遼河羊腸河錐  
子河蛇山狼山黑山巾子山隸長盪宮兵事屬北女直兵  
馬司統州一縣二

遼瀆縣

安定縣

棋州祐聖軍下刺史本渤海家州地太祖以檀州俘於  
此建檀州後更名隸弘義宮兵事屬北女直兵馬司統  
縣一

慶雲縣太祖俘密雲民於此建密雲縣後更名



遂州刺史本渤海美州地採訪使耶律頰德以部下漢民置穆宗時頰德嗣絕沒入焉隸延昌宮統縣一

山河縣本渤海縣併黑川麓川二縣置

通州安遠軍節度本扶餘國王城渤海號扶餘城太祖改龍州聖宗更今名保寧七年以黃龍府叛人燕頰餘黨千餘戶置升節度統縣四

通遠縣本渤海扶餘縣併布多縣置

安遠縣本渤海顯義縣併鵠川縣置

歸仁縣本渤海強帥縣併新安縣置

漁谷縣本渤海縣

韓州東平軍下刺史本葦離國舊治柘河縣高麗置鄭頡

府都督鄭頡二州渤海因之今廢入宗置二河榆河二州

聖宗併二州置隸延昌宮兵事屬北女直兵馬司統縣二

柘河縣本渤海粵喜縣地併萬安縣置

雙州保安軍下節度本挹婁故地渤海置安定郡久廢漚

里僧王從太宗南征以俘鎮定二州之民建城置州察割

弒逆誅沒入焉初隸延昌宮後屬崇德宮兵事隸北女直

兵馬司統縣一

雙城縣本渤海安夷縣地

銀州富國軍下刺史本渤海富州太祖以銀冶更名隸弘



義宮立軍屬北女直兵馬司統縣二

延津縣本渤海富壽縣境有延津故城更名

新興縣本故越喜國地渤海置銀冶嘗置銀州

永平縣本渤海優富縣地太祖以俘戶置舊有永平寨

同州鎮安軍下節度本漢襄平縣地渤海為東平寨太祖

置州軍曰鎮東後更名隸彰愍宮兵事屬北女直兵馬司

統州一未詳縣二

東平縣本漢襄平縣地產鐵撥戶二百採鍊隨征賦輸

永昌縣本高麗永寧縣地

咸州安東軍下節度本高麗銅山縣地渤海置銅山郡地

在漢候城縣北渤海龍泉府南地多山險寇盜以為淵藪  
乃招平營等州客戶數百建城居之初號郝里太保城開  
泰八年置州兵事屬北女直兵馬司統縣一

咸平縣唐安東都護天寶中治營平二州間即此太祖  
滅渤海復置安東軍開泰中置縣

信州彰聖軍下節度本越喜故城渤海置懷遠府今廢聖  
宗以地鄰高麗開泰初置州以所俘漢民實之兵事屬黃  
龍府都部署司統州三未詳縣二

武昌縣本渤海懷福縣地析平州提轄司及豹山縣一  
千戶隸之



定武縣本渤海豹山縣地析平州提轄司併乳水縣人戶置初名定功縣

賓州懷化軍節度本渤海城統和十七年遷兀惹戶置刺史于鴨子混同一水之間後升兵事隸黃龍府都部署事龍州黃龍府本渤海扶餘府太祖平渤海還至此崩有黃龍見更名保寧七年軍將燕頰叛府廢開泰九年遷城于東北以宗州檀州漢戶一千復置統州五縣三黃龍縣本渤海長平縣併富利佐慕肅慎置遷民縣本渤海永寧縣併豐水扶羅置永平縣渤海置

益州觀察屬黃龍府統縣一

靜遠縣

安遠州懷義軍刺史屬黃龍府

威州武寧軍刺史屬黃龍府

清州建寧軍刺史屬黃龍府

雍州刺史屬黃龍府

湖州興利軍刺史渤海置兵事隸東京統軍司統縣一

長慶縣

渤海清化軍刺史渤海置兵事隸東京統軍司統縣一

貢珍縣渤海置



郢州彰聖軍 刺史渤海置兵事隸北女直兵馬司統縣一

延慶縣

銅州廣利軍 刺史渤海置兵事隸北兵馬司統縣一

屬

涿州刺史渤海置兵事隸南兵馬司

率賓府刺史 故率賓國地

定理府刺史 故挹婁國地

鐵利府刺史 故鐵利國地

安定府

長嶺府

鎮海府防禦兵事隸南女直湯河司統縣一

平南縣

蓋州防禦聖宗建升永安軍

東州以渤海戶置

尚州以渤海戶置

吉州福昌軍刺史

麓州下刺史渤海置

荊州刺史

懿州寧昌軍節度太平三年越國公主以媵臣戶置初曰

嘉靖八年刊



慶懿軍更曰廣順軍隸上京清寧七年宣懿皇后進入改  
今名統縣二

寧昌縣本平陽縣

順安縣

順州昌末軍刺史

順化城嚮義軍下刺史開泰三年以漢戶置兵事隸東京  
統軍司

寧州觀察統和二十九年伐高麗以渤海降戶置兵事隸

東京統軍司統縣一

安縣

衍州安廣軍防禦以漢戶置初刺史後升軍兵事屬東京

統軍司統縣一

宜豐縣

蓮州德昌軍刺史以漢戶置兵事屬東京統軍司統縣一

安民縣

歸州觀察太祖平渤海以降戶置後廢統和二十九年伐

高麗以所俘渤海戶復置兵事屬南女直湯河司統縣一

歸勝縣

蘇州安復軍節度本高麗南蘇興宗置州兵事屬南女直

湯河司統縣一

嘉靖八年刊



來蘇縣

懷化縣

懷州懷德軍節度與宗置兵事屬南女直湯河司統縣二

永寧縣

德勝縣

肅州信陵軍刺史重熙十年州民亡入女直取之復置兵

事隸北女直兵馬司統縣一

清安縣

安州刺史兵事隸北女直兵馬司

榮州

荷州

涼州

渤海州

寧江州混同軍觀察清寧中置初防禦後升兵事屬東北

統軍司統縣一

混同縣

河州德化軍置軍器坊

祥州瑞聖軍節度興宗以鐵驪戶置兵事隸黃龍府都部

署司統縣



懷德縣

六

七

中

志第九

遼史三十九

元開府儀同三司上柱國前中書右丞相監修國史

都總裁臣脫脫修

地理志三

中京道

中京大定府虞為營州夏屬冀州周在幽州之分秦郡天下是為遼西漢為新安平縣漢末步奚居之幅員千里多大山深谷阻險足以自固魏武北征縱兵大戰降者二十餘萬去之松漠其後拓拔氏乘遼建牙於此當饒樂河水之南温渝河水之北唐太宗伐高麗駐蹕於此部帥蘇支



從征有功奚長可度率衆內附爲置饒樂都督府咸通以  
後契丹始大奚族不敢復抗太祖建國舉族臣屬聖宗常  
過七金山土河之濱南望雲氣有郭郭樓闕之狀因議建  
都擇良工於燕薊董役二歲郭郭宮掖樓閣府庫市肆廊  
廡擬神都之制統和二十四年五帳院進故奚王牙帳地  
二十五年城之實以漢戶號曰中京府曰大定皇城中有  
祖廟景宗承天皇后御容殿城池秋濕多鑿井泄之人以  
爲便大同驛以待宋使朝天館待新羅使來賓館待夏使  
有七金山馬孟山雙山松山土河統州十縣九  
大定縣白霄故地以諸國俘戶居之

長安縣本漢賓從縣以諸部人居之

富庶縣本漢新安平地開泰二年析京民置

勸農縣本漢賓從縣地開泰二年析京民置

文定縣開泰二年析京民置

升平縣開泰二年析京民置

歸化縣本漢柳城縣地

神水縣本漢徒河縣地開泰二年置

金源縣本唐青山縣境開泰二年析京民置

恩州懷德軍下刺史本漢新安平縣地太宗建州開泰

中以渤海戶實之初隸永興宮後屬中京統縣一



恩化縣開泰中渤海人戶置

惠州惠和軍中刺史本唐歸義州地太祖俘漢民數百戶免麀山下創城居之置州屬中京統縣一

惠和縣聖宗遷上京惠州民括諸宮院落帳戶置高州觀察唐信州之地萬歲通天元年以契丹室活部

置開泰中聖宗伐高麗以俘戶置高州有半頂山樂河屬中京統縣一

三韓縣辰韓為扶餘弁韓為新羅馬韓為高麗開泰中聖宗伐高麗俘三國之遺人置縣戶五千

武安州觀祭唐沃州地太祖俘漢民居木葉山下因建

城以遷之號杏塢新城復以遼西戶益之更曰新州統

和八年改今名初刺史後升有黃栢嶺梟羅水箇沒里

水屬中京統縣一

沃野縣

利州中觀察本中京阜俗縣統和二十六年置刺史州

開泰元年升屬中京統縣一

阜俗縣唐末契丹漸熾役使奚人遷居琵琶川統和

四年置縣初隸彰愍宮更隸中京後置州仍屬中京

榆州高平軍下刺史本漢臨渝縣地後隸右北平驪城

縣唐載初二年析鎮州置黎州處靺鞨部落後為奚人



所據太宗南征橫帳解里以所俘鎮州民置州開泰中  
沒入屬中京統縣二

和衆縣本新黎縣地

末和縣本漢昌城縣地統和二十二年置

澤州廣濟軍下刺史本漢土垠縣地太祖俘蔚州民立

寨居之採煉陷河銀冶隸中京留守司開泰中置澤州

有松亭關神山九宮嶺石子嶺灤河撒河屬中京統縣

二

神山縣神山在西南

灤河縣本漢徐無縣地屬永興宮

北安州開化軍上刺史本漢女祁縣地屬上谷郡晉為  
馮跋所據唐為奚王府西省地聖宗以漢戶置北安州  
屬中京統縣一

利民縣本漢且居縣地

潭州廣潤軍下刺史本中京之龍山縣開泰中置州仍

屬中京統縣一

龍山縣本漢交黎縣地開泰二年以習家寨置

松江州勝安軍下刺史開泰中置統和八年省復置屬

中京統縣一

松江縣本漢文成縣地邊松漠商賈會衝開泰二年



置縣者松山川

宋王曾上契舟事曰出燕京北門至望京館五十里至順州七十里至檀州漸入山五十里至金溝館將至館川原平曠謂之金溝淀自此入山詰曲登陟無復里堠但以馬行記日約廿里數九十里至古北口兩傍峻崖僅容車軌又度德勝嶺盤道數層俗名思鄉嶺八十里至新館過雕窠嶺偏槍嶺四十里至如來館過烏灤河東有灤州又過黑斗嶺度雲嶺芹菜嶺七十里至柳河館松亭嶺甚險峻七十里打浩部落東南行五十里至牛山館八十里至鹿兒峽館過蝦蟆嶺九十里至鐵漿館過石子嶺自此漸出

山七十里至富谷館八十里至通天館二十里至中京大定府城垣卑小方圓纔四里許門但重屋無築閣之制南門曰朱夏門內通步廊多坊門又有市樓四曰天方大衢通闌望闕次至大同館其門正北曰陽德閭闔城西內西南隅岡上有寺城南有園圃宴射之所自過北口居人草庵板屋耕種但無桑柘所種皆從壠上虞吹沙所壅山中長松鬱然深谷中時見畜牧牛馬羣驄多青鹽黃豕成州興府軍節度晉國長公主以媵戶置軍曰長慶隸上京復改軍名統縣一

同昌縣



興中府本霸州彰武軍節度古孤竹國漢柳城縣地慕容  
既以柳城之北龍山之南福德之地乃築龍城構宮廟改  
柳城為龍城縣遂遷都號曰和龍宮慕容垂復居焉後為  
馮跋所滅元魏取為遼西郡隋平高保寧置營州煬帝廢  
州置柳城郡唐武德初改營州總管府尋為都督府萬歲  
通天中陷李萬榮神龍初移府幽州開元四年復治柳城  
八年西徙漁陽十年還柳城後為奚所據太祖平奚及俘  
燕民將建城命韓知方擇其處乃立元葺柳城號霸州彰武  
軍節度統和中制置建霸宜錦白川等五州尋落制置隸  
積慶宮後屬興聖宮重熙十年升興中府有大華山小華

山香高山麝香崖天授皇帝刻石在焉駐龍峪神射泉小  
靈河統州二縣四

興中縣本漢柳城縣地太祖掠漢民居此建霸城縣重  
熙中置府更名

營立縣析霸城置

象雷縣開泰二年以麥務川置初隸中京後屬

間山縣本漢且慮縣開泰二年以羅家軍置隸中京後  
屬

安德州化平軍下刺史以霸州安德縣置來屬統縣一  
安德縣統和八年析霸城東南龍山徒河境戶置初



隸乾州更屬霸州置州來屬

黔州阜昌軍下刺史本漢遼西郡地太祖平渤海以所  
俘戶居之隸黑水河提轄司安帝置州析宜霸二州漢

戶益之初隸永興宮更隸中京後置府來屬統縣一

盛吉縣太祖平渤海俘興州盛吉縣民來居因置縣

宜州崇義軍上節度本遼西索縣地東丹王每秋畋于此  
興宗以定州俘戶建州有墳山松柏連亘百餘里禁樵採  
浚河累石為堤隸積慶宮統縣二

弘政縣世宗以定州俘戶置民工織絰多技巧

聞義縣世宗置初隸海北州後來屬

州臨海軍中節度本漢遼東無慮縣慕容皝置西樂縣

太祖以漢俘建州有大胡僧山小胡僧山大查牙山小查

牙山淘河島隸弘義宮統州一縣二

永樂縣

安昌縣

嚴州保肅軍下刺史本漢海陽縣地太祖平渤海遷漢  
戶雜居興州境聖宗於此建城焉隸弘義宮來屬統縣

興城縣

川州長寧軍中節度本唐青山州地太祖弟明王玄端置



會同三年詔為白川州安端子察割以大逆誅没入省曰  
川州初隸崇德宮統和中屬文忠王府統縣三  
弘理縣統和八年以諸宮提轄司戶置

咸康縣

宜民縣統和中置

建州保靜軍上節度唐武德中置昌樂縣太祖元其故壘  
置州漢乾祐元年故石晉太后請世宗求於漢城側耕墾  
自贍許於建州南四十里給地五十頃營構房室創立宗  
廟州在靈河之南屢遭水害聖宗遷於河北康崇州故城  
初屬武寧軍隸永興宮後屬敦睦宮統縣二

永霸縣

永康縣本唐昌黎縣地

來州歸德軍下節度聖宗以女直五部歲饑來歸置州居  
之初刺史後升隸永興宮有三州山六州山五脂山統州  
二縣

來賓縣本唐來遠縣地

隰州平海軍下刺史慕容玳置集寧縣聖宗括帳戶遷  
信州大雪不能進建城於此置焉隸興聖宮來屬統縣

海陽縣本漢縣瀕海地多鹹鹵置場於此



遷州與善軍下刺史本漢陽樂縣地聖宗平大延琳遷歸州民置來屬有箭筈山統縣一

遷民縣

潤州海陽軍下刺史聖宗平大延琳遷寧州之民居此

置州統縣一

海濱縣本漢陽樂縣地遷潤州本東京城內渤海民戶因叛移於此

志第九

志第十

遼史四十

元開府儀同三司上柱國前中書右丞相監修國史

都總裁臣脫脫修

地理志四

南京道

南京析津府本古冀州之地高陽氏謂之幽陵陶唐曰幽都有虞析為幽州商併幽於冀周分并為幽職方東北幽州山鎮醫巫閭澤藪獫狁養川河沛浸畜時其利魚鹽其畜馬牛豕其穀黍稷稻武王封太保奭于燕秦以其地為漁陽上谷右北平遼西遼東五郡漢為燕國歷封臧荼盧綰



劉建劉澤劉曰常置涿郡廣陽國後漢為廣平國廣陽郡  
或合于上谷復置幽州後周置燕及范陽郡隋為幽州總  
管唐置大都督府改范陽節度使安祿山史思明李懷仙  
朱滔劉怱劉濟相繼割據劉總歸唐至張仲武張允仲以  
正得民劉仁恭父子僭爭遂入五代自唐而晉高祖以遼  
有接力之勞割幽州等十六州以獻太宗升為南京又曰  
燕京城方三十六里崇三丈衡廣一丈五尺敵樓戰槽具  
八門東曰安東迎春南曰開陽丹鳳西曰顯西清晉北曰  
通天拱辰大內在西南隅皇城內有景宗聖宗御容殿二  
東曰宣和南曰大內內門曰正旦教改元和外三門曰南端

左掖右掖左掖改萬春右掖改千秋門有樓閣毬場在其  
南東為永平館皇城西門曰顯西設而不開北曰子北西  
城巔有涼殿東北隅有燕角樓坊市廨舍寺觀蓋不勝書  
其外有居庸松亭榆林之關古北之口桑乾河高粱河石  
子河大安山燕山中有瑤嶼府曰幽都軍號盧龍開泰元  
年落軍額統州六縣十一

析津縣本晉薊縣改薊北縣開泰元年更名以燕分  
野旅實為析木之津故民戶二萬

宛平縣本晉幽都縣開泰元年改今名戶二萬二千

昌平縣本漢軍都縣後漢屬廣陽郡晉屬燕國元魏置



東燕郡及昌平縣郡廢縣隸幽州在京北九十里戶七千

良鄉縣燕為中都縣漢改良鄉縣舊屬涿郡北齊天保七年省入薊縣武平六年復置唐聖曆元年改固節鎮神龍元年復為良鄉縣劉守光徙治此在京南六十里戶七千

潞縣本漢舊縣屬漁陽郡唐武德二年置元州貞觀元年州廢復為縣有潞水在京東六十里戶六千

安次縣本漢舊縣屬漁陽郡唐武德四年徙置東南五十里石梁城貞觀八年又徙今縣西五里常道城開元

二十三年又徙耿就橋行市南在京南一百二十里戶一萬二千

永清縣本漢益昌縣隋置通澤縣唐置武隆縣改會昌天寶初為永清縣在京南一百五十里戶五千

武清縣前漢雍奴縣屬漁陽郡水經雍奴者數澤之名四面有水曰雍不流曰奴唐天寶初改武清在京東南一百五十里戶一萬

香河縣本武清孫村遷於新倉置權鹽院居民聚集因分武清香河路三縣戶置在京東南一百二十里戶七

千



玉河縣本泉山地劉仁恭於大安山創宮觀師煉丹羽  
化之術于方士王若訥因割前縣分置以供給之在京  
西四十里戶一千

灤陰縣本漢泉山之霍村鎮遼每季春弋獵於延芳淀  
居民成邑就城故鄣陰鎮後改爲縣在京東南九十里  
延芳淀方數百里春時鵝鶩所聚夏秋多菱芡國主春  
獵衛士皆衣墨綠各持連鎗鷹食刺鵝雉列水次相去  
五七步上風擊鼓驚鵝稍離水面國主親放海東青鵝  
倫之鵝墜以心鵝力不勝在列者以佩劍刺鵝急取其腦  
飼鵝者頭鵝者例賞銀絹國主皇族郡臣各有分地戶

五千

宋王曾上契丹事曰自雄州白溝驛度河四十里至新城  
縣古督亢亭之地又七十里至涿州北復范水劉李河六  
十里至良鄉縣度盧溝河六十里至幽州號燕京子城就  
羅郭西南爲之正南曰啓夏門內有元和殿東門曰宣和  
城中坊閤皆有樓有閔忠寺本唐太宗爲征遼陣亡將士  
所造又有開泰寺魏王耶律漢寧造皆遣朝使遊觀南門  
外有干越王廨爲宴集之所門外永平館舊名碣石館清  
和後易之南即桑乾河

順州歸化軍中刺史秦上谷漢范陽北齊歸德郡境隋



開皇中粟末靺鞨與高麗戰不勝厥稽部長突地稽率  
八部勝兵數千人自扶餘城西北舉落內附置順州以  
處之唐武德初改燕州會昌中改歸順州唐末仍爲順  
州有溫渝河白遼河曹王山曹操常駐軍于此黍谷山  
鄒衍吹律之地南有齊長城城東北有華林天柱二莊  
遼建涼殿春賞花夏納涼初軍曰歸寧後更名統縣一  
懷柔縣唐貞觀六年置治五柳城改順義縣開元四  
年置松漠府彈汗州天寶元年改歸化縣乾元元年  
復今名戶五千

檀州武威軍下刺史本燕漁陽郡地漢爲白檀縣魏書  
曹公歷白檀破烏丸於柳城續漢書白檀在右北平元  
魏創密雲郡兼置安州後周改爲元州隋開皇十八年  
割燕樂密雲二縣置檀州唐天寶元年改密雲郡乾元  
元年復爲檀州遼加今軍號有栗溪鮑丘山桃花山螺  
山統縣二

密雲縣本漢白檀縣後漢以居斤奚元魏置密雲郡  
領白檀要陽密雲三縣高齊廢郡及二縣來屬戶五  
千

行唐縣本定州行唐縣太祖掠定州破行唐盡驅其  
民北至檀州擇曠土居之凡置十寨仍名行唐縣隸



彰愍宮戶三千

涿州永泰軍上刺史漢高祖六年分燕置涿郡魏文帝  
改范陽郡晉為范陽國元魏復為郡隋開皇二年罷郡  
屬幽州大業三年以幽州為涿郡唐武德元年郡廢為  
涿縣七年改范陽縣大曆四年置涿州石晉以歸太祖  
有大房山六聘山涿水樓桑河橫溝河禮遜河祁溝河  
統縣四

范陽縣本漢涿縣唐武德中改范陽縣有涿水范水  
戶一萬

固安縣本漢方城縣先屬廣陽國隋開皇九年自易

州涿水縣移置屬幽州取漢故安縣名唐武德四年  
屬北義州徙治草信堡貞觀二年義州廢移今治復  
屬幽州在州東南九十里戶一萬

新城縣本漢新昌縣唐大曆四年析固安縣置後省  
後唐天成四年復析范陽縣置在州南六十里戶一  
萬

歸義縣本漢易縣地齊併入鄭縣唐武德五年置北  
義州州廢復置縣來屬民居在巨馬河南僑治新城  
戶四千

易州高陽軍上刺史漢為易安故二縣地隋置易州隋



末爲上谷郡唐武德四年復易州天寶元年仍上谷郡  
乾元元年又改易州五代隸定州節度使會同九年孫  
方簡以其地來附應曆九年爲周世宗所取後屬宋統  
和七年攻克之升高陽軍有易水涑水狼山太寧山白  
馬山統縣三

易縣本漢縣故城在今縣東南六十里齊王不七年  
省隋開皇十六年於故安城西北囑置縣即今縣治  
也戶二萬五千

涑水縣本漢道縣今縣北一里故安城是也元魏移  
於故城南即今縣置周大象十八年改涑水縣在周

東四十里有涑水戶二萬七千

容城縣本漢縣先屬涿郡故城在雄州西南唐武德

五年屬北義州貞觀元年還來屬聖曆二年改全忠

縣天寶元年復名容城縣在州東八十里戶民皆居

巨馬河南橋治涿州新城縣戶五千

薊州尚武軍上刺史秦漁陽右北平二部地隋開皇中

徙治玄州總管府煬帝改漁陽郡唐武德元年廢入幽

州開元十八年分立薊州統縣三

漁陽縣本漢縣屬漁陽郡晉省復置元魏省唐屬幽

州開元十八年置薊州有鮑丘水戶四千



三河縣本漢臨朐縣地唐開元四年析潞州置戶三千

玉田縣本春秋無終子國漢置無終縣屬右北平郡元魏屬漁陽郡治省唐武德二年復置貞觀初省乾封中復置萬歲通天元年更名玉田屬營州開元四年還屬幽州八年屬營州十一年又屬幽州十八年來屬搜神記雍伯洛陽人性孝父母沒葬無終山山高八十里上無水雍伯置飲人有就飲者與石一斗種生玉因名玉田戶三千

景州清安軍下刺史本薊州遵化縣重熙甲置戶二千  
遵化縣本唐平州買馬監為縣來屬

平州遼興軍上節度商為孤竹國春秋山戎國秦為遼西右北平二郡地漢因之漢末公孫度據有傳子康孫淵入魏隋開皇中改平州大業初復為郡唐武德初改州天寶元年仍北平郡後唐復為平州太祖天贊二年取之以定州俘戶錯置其地統州二縣三

盧龍縣本肥如國春秋晉滅肥肥子奔燕受封於此漢晉屬遼西郡元魏為郡治兼立平州北塞屬北平郡隋開皇中省肥如入新昌十八年改新昌曰盧龍唐為平州後因之戶七千



安喜縣本漢今支縣地久廢太祖以定州安喜縣俘戶  
置在平東北六十里戶五千

望都縣本漢海陽縣久廢太祖以定州望都縣俘戶置  
有海陽山縣在州南三十里戶三千

灤州永安軍中刺史本古黃洛城灤河環繞在盧龍山  
南齊桓公伐山戎見山神俞鬼即此秦皇右北平漢為  
石城縣後名海陽縣漢末為公孫度所有晉以後屬遼  
西石晉割地在平州之境太祖以俘戶置灤州負山帶  
河為朔漢形勝之地有扶蘇泉甚甘美秦太子扶蘇北  
築長城常駐此臨榆山峯巒崛起高十餘仞下臨榆河

### 統縣三

義豐縣本黃洛故城黃洛水北出盧龍山南流入於  
濡水漢屬遼西郡久廢唐季入契丹世宗置縣戶四  
千

馬城縣本盧龍縣地唐開元二十八年析置縣以通  
水運東北有千金冶東有茂鄉鎮遼割隸灤州在州  
西南四十里戶三千

石城縣漢置屬右北平郡久廢唐貞觀中於此置臨  
渝縣萬歲通天元年改石城縣在灤州南三十里唐  
儀鳳石刻在焉今縣又在其南五十里遼徙置以就



鹽官戶三千

營州鄰海軍下刺史本商孤竹國秦屬遼西郡漢爲昌黎郡前燕慕容皝徙都于此元魏立營州領昌黎建德遼東樂浪翼陽營丘六郡後周爲高寶寧所據隋開皇置州大業改遼西郡唐武德元年改營州萬歲通天元年始入契丹聖曆二年僑治漁陽開元五年還治柳城天寶元年改曰柳城郡後唐復爲營州太祖以居定州二俘戶統縣一

廣寧縣漢柳城縣屬遼西郡東北與奚契丹接境萬歲通天元年入契丹李萬營神龍元年移幽州界開

元四年復舊地遼改今名戶三千



志第十一

遼史四十一

元開府儀同三司上柱國前中書右丞相監修國史

都總裁 臣 脫脫修

地理志五

西京道

西京大同府陶唐冀州之域虞分并州夏復屬冀州周職  
方正北曰并州戰國屬趙武靈王始置雲中郡秦屬代王  
國後為平城縣魏屬新興郡晉仍屬鴈門劉琨表封衙廬  
為代王都平城元魏道武於此遂建都邑孝文帝改為司  
州牧置代尹遷都洛邑改萬年又置恒州高齊文宣帝廢



州為恒安鎮今謂之東城尋復恒州周復恒安鎮改朔州  
隋仍為鎮唐武德四年置北恒州七年廢貞觀十四年移  
雲中定襄縣於此永淳元年默啜為民患移民朔州開元  
十八年置雲中州天寶元年改雲中郡乾元元年曰雲州  
乾符二年大同軍節度使李國昌子克用為雲中守捉使  
殺防禦使據州以聞僖宗赦克用以國昌為大同軍防禦  
使不受命廣明元年李琢攻國昌國昌兵敗與克用奔北  
地薰巢入京師詔發伐北軍尋赦國昌使討賊克用率三  
萬五千騎而南收京師功第一國昌封隴西郡王國昌卒  
克用取雲南既而所向失利乃卑詞厚禮與太祖會于雲

州之東城謀大舉兵攻梁不田不克用子存勗滅梁是為唐  
莊宗同光二年復以雲州為大同軍節度使晉高祖代唐  
以契丹有援立功割山前代北地為賂人回來屬因建西  
京敵樓棚櫓具廣袤二十里門東曰迎春南曰朝陽西曰  
定西北曰拱極元魏宮垣占城之北面雙闕尚在遼既建  
都用為重地非親王不得主之清寧八年建華嚴寺奉安  
諸帝石像銅像又有天王寺留守司衙南曰西省北門之  
東曰大同府北門之西曰大同驛初為大同軍節度重熙  
十三年升為西京府曰大同統州二縣七

大同縣本大同川地重熙十七年西夏犯邊析雲中縣



置戶一萬

雲中縣趙置八公黃與京府同戶一萬

天成縣本極塞之地魏道武帝置廣牧縣唐武德五年

置定襄縣遼析雲中置在京北一百八十里戶五千

長青縣本白登臺地冒頓單于縱精騎三十餘萬圍漢

高帝於白登七日即此遼始置縣有青陂梁元帝橫吹

曲云朝跋青陂暮白登在京東北一百一十里戶

千

奉義縣本漢陶林縣地後唐武皇與太祖會此遼析雲

中置戶二千

懷仁縣本漢沙南縣元魏葛榮亂縣廢隋開皇二年移

雲內于此大業二年置大利縣屬雲州改屬定襄郡隋

末陷突厥李克用敗赫連鐸駐兵於此遼改懷仁在京

南六十里戶二千

懷安縣本漢夷輿縣地歷魏至隋為突厥所據唐克頡

利縣遂廢為懷荒鎮高勳鎮燕奏分歸化州文德縣置

初隸奉聖州後來屬在州西北二百八十里戶二千

弘州博寧軍下刺史東魏靜帝置北靈丘縣唐初地陷

突厥開元中置橫野軍安邊縣天寶亂廢後為襄陰村

統和中以寰州近邊為宋將潘美所破廢之乃於此置



弘州初軍曰永寧有桑乾河白道泉白登山亦曰火燒山有火井統縣二

永寧縣戶一萬

順聖縣本魏安塞軍五代兵廢高勳鎮幽州奉景宗分永興縣置初隸奉聖州在州西北二百八十里戶三千

德州下刺史唐會昌中以西德店置德州開泰八年以漢戶復置有步落泉金河山野狐嶺白道坂縣一

宣德縣本漢桐過縣地屬雲中郡後隸定襄郡漢末

廢高齊置紫阿鎮唐會昌中置縣戶三千

豐州天德軍節度使秦爲上郡北境漢屬五原郡地磧鹵少田疇自晉永嘉之亂屬赫連勃勃後周苴永豐鎮隋開皇中升永豐縣改豐州大業七年爲五原郡義寧元年太守張遜奏改歸順郡唐武德元年爲豐州總管府六年省遷民於白馬縣遂廢貞觀四年分靈州境置豐州都督府領蕃戶天寶初改九原郡乾元元年復豐州後入回鶻會昌中克之後唐改天德軍太祖神冊五年攻下更名應天軍復爲州有大鹽澤九十九泉沒越澤古磧口青塚即王昭君墓兵事屬西南面招討司統縣二

富民縣本漢臨戎縣遼改今名戶一千三百



振武縣本漢定襄郡盛樂縣背負陰山前帶黃河元魏  
嘗都盛樂即此唐武德四年克突厥建雲中都督府麟  
德二年改單于大都督府聖曆元年又改安北都督開  
元七年割隸東受降城八年置振武軍節度使會昌五  
年爲安北都護府後唐莊宗以兄嗣本爲振武節度使  
太祖神冊元年伐吐渾還攻之盡俘其民以東唯存鄉  
兵三百人防戍後更爲縣

雲內州開遠軍下節度本中受降城地遼初置代北雲朔  
招討司改雲內州清寧初升有威塞軍古可敦城大同州  
天安軍永濟柵女樂戍拂雲堆兵事屬西南面招討司縣

柔服縣

寧人縣

天德軍本中受降城唐開元中廢橫塞軍置天安軍於夫  
同川乾元中改天德軍移永濟柵今治是也太祖平党項  
遂破天德盡掠吏民以東後置招討司漸成井邑乃以國  
族爲天德軍節度便有黃河黑山峪廬城威塞軍秦長城  
唐長城又有牟那山鉗耳觜城在其北  
寧邊州鎮西軍平刺史本唐隆鎮遼置兵事屬西南面

招討司



奉聖州武定軍上 卽度本唐新州後唐置團練使總山後  
八軍莊宗以弟存 矩爲之軍亂殺存矩于祁州擁大將盧  
文進亡歸太祖克 新州莊宗遣李嗣源復取之同光二年  
升威塞軍石晉高 祖割獻太宗改升有兩河會溫泉龍門  
山涿鹿山東南至 甲京三百里西北至西京四百四十里  
兵事屬西京都部 者司統州三縣四

永興縣本漢涿

鹿縣地黃帝與蚩尤戰于此戶八千

礮山縣本漢軍

祁縣山出白綠礮故名有礮山桑乾河

在州南六十里

戶三千

龍門縣有龍門

山石壁對峙高數百尺望之若門徼外

諸河及沙漠潦水皆於此趣海雨則俄頃水踰千仞晴  
則清淺可涉實塞北控扼之衝要也在州東北二百八  
十里戶四千

望雲縣本望雲川地景宗於此建潛邸因而成井肆穆  
宗崩景宗入紹國統 號御莊後置望雲縣直隸章愍宮  
附庸于此在州東北二百六十里戶一千

歸化州雄武軍上刺史本漢下洛縣元魏改文德縣唐  
升武州僖宗改毅州後唐太祖復武州明宗又爲毅州  
潞王仍爲武州晉高祖割獻于遼改今名有桑乾河會  
河川愛陽川炭山又謂之陁頭有涼殿承天皇后納涼



於此山東北二十里有新涼殿景宗納涼於此唯松棚  
數陁而已斷雲嶺極高峻故名州西北至西京四百五  
十里統縣一

文德縣本漢女祁縣地元魏置戶一萬

可汗州清平軍下刺史本漢潘縣元魏置北齊置北燕  
郡改懷戎縣隋廢郡屬涿郡唐武德中復置北燕州縣  
仍舊貞觀八年改媯州五代時奚王去諸以數千帳欲  
媯州自別為西奚號可汗州太祖因之有媯泉在城中  
相傳舜嬪二女於此又有溫泉版泉磨筭山鷄鳴山喬  
山歷山統縣一

懷來縣本懷戎縣太祖改戶三千

儒州緡陽軍中刺史唐書後唐同光二年隸新州太宗  
改奉聖州仍屬有南溪河沽河宋王峪桃峪口統縣一  
緡山縣本漢廣寧縣地唐天寶中割媯州縣置戶五  
千

蔚州忠順軍上節度周職方并州川曰溫夷在州境飛狐  
縣趙襄子滅代武靈王置代郡項羽徙趙歇為代王歇還  
趙立陳餘王代漢韓信斬餘復置代郡文帝初封代皆此  
地周宣帝始置蔚州隋開皇中廢唐武德四年復置至德  
二年改興唐縣乾元元年仍舊大中後朱邪執宜為刺史



有功賜姓名李國昌子克用乞為留後僖宗不許廣明初  
攻敗國昌代北無備太祖來攻克之俘掠居民而去石晉  
獻地升忠順軍後更武安軍統和四年入宋尋復之降刺  
史隸奉聖州升觀察復忠順軍節度兵事屬西京都部署  
司統縣五

靈仙縣唐置興唐縣梁改隆化縣後唐同光初復置晉  
改今名戶二萬

定安縣本漢東安陽縣地久廢後唐太祖伐劉仁恭次  
蔚州晨霧晦暝占不利深入會雷電大作燕軍解去即  
此遼置定安縣西北至州六十里戶一萬

飛狐縣後周大象二年置廣昌縣于五龍城即此隋仁  
壽元年改名飛狐相傳有狐於紫荆嶺食五粒松子成  
飛仙故云西北至州一百四十里戶五千

靈丘縣漢置後漢省東魏復置屬靈丘郡隋開皇中罷  
郡來屬大業初改隸代州唐武德六年仍舊東北至州  
一百八十里戶二千

廣陵縣本漢延陵縣隋唐為鎮州後唐同光初分置唐  
縣置石晉割屬遼東南至州四十里戶二千

應州彰國軍上節度唐武德中置金城縣後改應州後唐  
明宗州人也天成元年升彰國軍節度興唐軍寰州隸焉



遼因之北龍首山南鴈門兵事屬西京都部署司統縣三  
金城縣本漢陰館縣地漢末廢為陰館城大業末陷突  
厥唐始置金城縣遼因之戶八千

渾源縣唐置有渾源川在州東南一百五十里戶五千  
河陰縣本漢陰館縣地初隸朔州清寧中來屬戶二千  
朔州順義軍下節度本漢馬邑縣地元魏孝文帝始置朔  
州在今州北三百八十里定襄故城葛榮亂廢高齊天保  
六年復置在今州南四十七里新城八年徙馬邑即今城  
武成帝置北道行臺周武帝置朔州總管府隋大業二年  
改馬邑郡唐武德四年復朔州遼升順義軍節度兵事屬

西京都部署司統州一縣三

鄯陽縣本漢定襄縣地建安中置新興郡元魏置桑乾  
郡高齊置招遠縣郡仍舊隋開皇二年罷郡隸朔州大  
業元年初名鄯陽縣遼因之戶四千

寧遠縣齊天保六年於朔州西置招遠縣唐乾元元年  
改今名遼因之有寧遠鎮東至朔州八十里戶二千

馬邑縣漢置屬鴈門郡唐開元五年析鄯陽縣東三十  
里置大同軍倚郭置馬邑縣南至朔州四十里戶二千  
武州宣威軍下刺史趙惠王置武川塞魏置神武縣唐  
末置武州唐改毅州重熙九年復武州號宣威軍統縣



神武縣魏置晉改新城後唐太祖生神武川之新城  
即此初隸朔州後置州併寧遠爲一縣來屬戶五千  
東勝州武興軍下刺史隋開皇七年置勝州大業五年改  
榆林郡唐貞觀五年於南河地置決勝州故謂此爲東勝  
州天寶七年又爲榆林郡乾元元年復爲勝州太祖神冊  
元年破振武軍勝州之民皆趨河東州廢晉割代北來獻  
復置兵事屬西南面招討司統縣二

榆林縣

河濱縣

金肅州重熙十二年伐西夏直割燕民三百戶防秋軍一  
千實之屬西南面招討司  
河清軍西夏歸遼開直路以趨上京重熙十二年建城號  
河清軍徙民五百戶防秋兵一千人實之屬西南面招討  
司

志第十一

卷八

卷八

十一



志第十二

遼史四十二

元開府儀同三司上柱國前中書右丞相監修國史

都總裁臣脫脫修

曆象志上

遼以幽營立國禮樂制度規模日完授曆頒朔二百餘年今奉詔修遼史體與宋金擬其大明曆不可少也曆書法禁不可得求大明曆元得祖冲之法于外史冲之之法遼曆之所從出也歟國朝亦嘗因之以冲之法筭而至於遼更曆之年以起元數是蓋遼大明曆遼曆因是固可



補然弗之補史貴闕文也外史紀其法司天存其職遼史志是足矣作曆象志

曆

大同元年太宗皇帝自晉汴京收百司僚屬伎術曆象遷于中京遼始有曆先是梁唐仍用唐景福崇玄曆晉天福四年司天監馬績奏上乙未元曆號調元曆太宗所收于汴是也穆宗應曆十二年司天王白李正等進曆蓋乙未元曆也聖宗統和十二年可汗州刺史史實俊進新曆則大明曆是也高麗所志大遼古今錄稱統和十二年始頒

正朔改曆驗矣大明曆本宗祖冲之法具覓沈約宋書具如左

宋武帝大明六年祖冲之上甲子元曆法未及施用因名大明曆

上元甲子至宋大明七年癸卯五萬一千九百三十九年

元法五十九萬二千三百六十五

紀法三萬九千四百九十一

章歲三百九十一

章月四千八百三十六



章閏一百四十四

閏法十二

月法十一萬六千三百二十一

日法三千九百三十九

餘數二十萬七千四十四

歲餘九千五百八十九

沒分三百六十萬五千九百五十一

沒法五萬一千七百六十一

周天一千四百四十二萬四千六百六十四

虛分萬四百四十九

行分法二十三

小分法一千七百一十七

通周七十二萬六千八百一十

會周七十一萬七千七百七十七

通法二萬六千三百七十七

差率二十九

推朔術

置入上元年數筭外以章月乘之滿章歲為積月不盡為閏餘閏餘二百四十七以上其年有閏以月法乘積月滿日法為積月不盡為小餘六旬去積日不盡為大餘六餘命以甲子筭外所求年天正十一月朔也小餘



千八百四十九以上其月大

求次月

加大餘二十九小餘二千九十餘滿日法從大餘大餘滿六旬去之命如前次月朔也

求弦望

加朔大餘七小餘千五百七小分一小分滿四從小餘小餘滿日法從大餘命如前上弦日也又加得望又加得下弦又加得後月朔也

推閏術

以閏餘減章歲餘滿閏法得一月命以天正算外閏所

在也閏有進退以無中氣為正

推二十四氣

置入上元年數算外以餘數乘之滿紀法為積日不盡為小餘六旬去積日不盡為大餘大餘命以甲子算外天正十一月冬至日也

求次氣

加大餘十五小餘八千六百二十六小分五小分滿六從小餘滿紀法從大餘命如前次氣日也

求土王用事

加冬至大餘二十七小餘萬五千五百二十八季月土



用事日也又加大餘九十一小餘萬二千二百七十次  
土用事日也

推沒術

以九十乘冬至小餘以減沒分滿沒法為日不盡為日  
餘命日以冬至算外沒日也

求次沒

加日六十九日餘三萬四千四百四十二餘滿沒法從  
日次沒日也日餘盡為滅

推日所在度術

以紀法乘朔積口為度實周天去之餘滿紀法為積度

不盡為度餘命以虛一次宿除之算外天正十一月朔  
夜半日所在度也

求次月

大月加度三十小月加度二十九入虛去度分

求行分

以小分法除度餘所得為行分不盡為小分小分滿法  
從行分行分滿法從度

求次日

加一度入虛去行分六小分百四十七

推月所在度術



以朔小餘乘百二十四為度餘又以朔小餘乘八百六十為微分微分滿月法從度度餘滿紀法為度以減月夜半日所在則月所在度

求次月

大月加度三十五度餘三萬一千八百三十四微分七萬七千九百六十七小月加度二十二度餘萬七千二百六十一微分六萬三千七百二十六入虛去度也

遲疾曆

|       |      |      |       |
|-------|------|------|-------|
| 月行度   | 損益率  | 盈縮積分 | 差法    |
| 一日十四  | 益 七十 | 盈初   | 五千三百四 |
| 行分 十三 |      |      |       |

|       |       |            |         |
|-------|-------|------------|---------|
| 二日十四  | 益 六十五 | 盈 千八百四十二   | 五千二百七十  |
| 三日十四  | 益 五十七 | 盈 萬三千五百五十五 | 五千二百一十九 |
| 四日十四  | 益 四十七 | 盈 千五百五十八   | 五千一百五十二 |
| 五日十三  | 益 三十四 | 盈 七千六百二十九萬 | 五千六百六   |
| 六日十三  | 益 二十二 | 盈 千七百九十一   | 四千九百八十一 |
| 七日十三  | 益 六   | 盈 二千七百七十一  | 四千八百七十九 |
| 八日十二  | 損 九   | 盈 九千九百五十二  | 四千七百七十七 |
| 九日十二  | 損 二十四 | 盈 千七百七十五   | 四千六百七十五 |
| 十日十二  | 損 三十九 | 盈 二千一百一十五  | 四千五百七十三 |
| 十一日十二 | 損 五十二 | 盈 五千三百七    | 四千四百八十八 |



|        |    |   |     |   |         |         |
|--------|----|---|-----|---|---------|---------|
| 十二日十二  | 八  | 損 | 六十  | 盈 | 四百六十六   | 四千四百三十七 |
| 十三日十二  | 六  | 損 | 六十五 | 盈 | 三百九萬    | 四千四百三   |
| 十四日十二  | 四  | 損 | 七十  | 盈 | 三百三十八萬  | 四千三百六十九 |
| 十五日十二  | 五  | 益 | 六十七 | 縮 | 四千五百八十九 | 四千三百八十六 |
| 十六日十二  | 七  | 益 | 六十二 | 縮 | 二千六十九   | 四千四百二十  |
| 十七日十二  | 十  | 益 | 五十五 | 縮 | 百二十三萬   | 四千四百七十二 |
| 十八日十二  | 十四 | 益 | 四十四 | 縮 | 百八十七    | 四千五百二十九 |
| 十九日十二  | 十九 | 益 | 三十二 | 縮 | 五百三十一萬  | 四千六百二十四 |
| 二十日十三  |    | 益 | 十九  | 縮 | 四百四十八   |         |
| 二十一日十三 | 七  | 益 | 四   | 縮 | 四百四     | 四千八百一十二 |
|        |    |   |     | 縮 | 六百八十一萬  |         |
|        |    |   |     | 縮 | 千六百八    |         |
|        |    |   |     | 縮 | 千九百九十六  |         |

|        |    |   |     |   |         |         |
|--------|----|---|-----|---|---------|---------|
| 二十二日十二 | 十二 | 損 | 十一  | 縮 | 七百九十一萬  | 四千九百一十三 |
| 二十三日十三 | 十九 | 損 | 三十七 | 縮 | 七千六百七   | 五千一十五   |
| 二十四日十四 | 一  | 損 | 二十九 | 縮 | 五千四百四十一 | 五千一百    |
| 二十五日十四 | 十六 | 損 | 五十二 | 縮 | 六百九十九萬  | 五千一百八十五 |
| 二十六日十四 | 十  | 損 | 六十二 | 縮 | 千四百九十九  | 五千二百五十三 |
| 二十七日十四 | 十二 | 損 | 六十七 | 縮 | 九千二百五十九 | 五千二百八十七 |
| 二十八日十四 | 十  | 損 | 七十四 | 縮 | 二百八十五萬七 | 五千三百三十一 |
|        |    |   |     | 縮 | 千七百七十九  |         |

推入遲疾曆術以通法乘朔積日為通實通周去之餘滿  
 通法為日不盡為日餘命日算外天正十一月朔夜半入  
 曆日也



求次月

大月加二日小月加一日日餘皆萬一千七百四十六  
曆滿二十七日日餘萬四千六百三十一則去之

求次日

加一口求日所在定度以夜半入曆日餘乘損益率以  
損益盈縮積分如差率而一所得滿紀法為度不盡為  
度餘以盈加縮減平行度及餘為定度益之或滿法損  
之或不足以紀法進退求度行分如上法求次日如所  
入遲疾加之虛去分如上法

陰陽曆

損益率

兼數

一日

益十六

初

二日

益十五

十六

三日

益十四

三十一

四日

益十二

四十五

五日

益九

五十七

六日

益五

六十六

七日

益一

七十一

八日

損二

七十二

九日

損六

七十



十日

損十

六十四

十一日

損十三

五十四

十二日

損十五

四十四

十三日

損十六

三十六

十四日

損十六

十

推入陰陽曆術置通實以會周去之不滿交數二十五萬八千八百八十八半為朔入陽曆分各去之為朔入陰曆分各滿通法得一日不盡為日餘命日筭外天正十一月朔夜半入曆日也

求次月

大月加二日小月加一日日餘首二萬七百七十九曆

滿十三日日餘萬五千九百八十七半則去之陽竟入

陰陰竟入陽

求次日

加一日求朔望差以二千二十九乘朔小餘滿三百三

為日餘不盡倍之為小分則朔差數也加一十四日日

餘二萬一百八十六小分百二十五小分滿六百六從

日餘日餘滿通法為日即望差數也又加之後月朔也

求合朔日食

置朔望夜半入陰陽曆及餘有半者去之置小分三百



三以三數加之小分滿六百六從日餘日餘滿通法從  
日日滿一曆去之命日算外則朔望加時入曆也朔望  
加時入曆一日日餘四千一百九十八小分四百二十  
八以下十二日日餘萬一千七百八十八小分四百八  
十一以上朔則交會望則月食

求合朔月食定大小餘

合差數日餘加夜半入遲疾曆餘日餘滿通法從日則  
朔望加時入曆也以入曆餘乘損益率以損益盈縮積  
分如差法而一以盈減縮加本朔望小餘為定小餘益  
之或滿法損之或不足以日法進退日

求合朔月食加時

以十二乘定小餘滿日法得一辰命以子算外加時所  
在辰也有餘者四之滿日法得一為少二為半三為太  
又有餘者三之滿日法得一為強以強并少為少強并  
半為半強并大為大強得二者為少弱以并大為一辰  
弱以前辰名之

求月去日道度

置入陰陽曆餘乘損益率如通法而一以損益兼數為  
定定數十二而一為度不盡三而一為少半太又不盡  
者一為強二為弱則月去日道數也陽曆在表陰曆在裏



測景漏刻中星數

|      |        |     |     |      |       |
|------|--------|-----|-----|------|-------|
| 二十四氣 | 日中景    | 晝漏刻 | 夜漏刻 | 昏中星度 | 明中星度  |
| 冬至   | 一丈二尺   | 四十五 | 五十五 | 八十二  | 二百八十二 |
| 小寒   | 一丈二尺四分 | 四十五 | 五十四 | 八十四  | 二百八十一 |
| 大寒   | 一丈一尺   | 四十六 | 五十三 | 八十六  | 二百八十六 |
| 立春   | 九尺八寸   | 四十八 | 五十一 | 八十九  | 二百七十七 |
| 雨水   | 八尺一寸   | 五十五 | 四十九 | 九十三  | 二百七十三 |
| 驚蟄   | 六尺六寸   | 五十二 | 四十七 | 九十一  | 二百六十八 |
| 春分   | 五尺三寸   | 五十五 | 四十四 | 百二十三 | 二百六十四 |
| 清明   | 四尺二寸   | 五十八 | 四十一 | 百六   | 二百五十九 |

|    |      |     |     |     |       |
|----|------|-----|-----|-----|-------|
| 穀雨 | 二尺二寸 | 六十  | 三十九 | 百十一 | 二百五十四 |
| 立夏 | 二尺五寸 | 六十二 | 三十七 | 百十四 | 二百五十一 |
| 小滿 | 一尺九寸 | 六十三 | 二十六 | 百十七 | 二百四十八 |
| 芒種 | 一尺六寸 | 六十四 | 二十五 | 百十九 | 二百四十七 |
| 夏至 | 一尺五寸 | 六十五 | 三十五 | 百十九 | 二百四十七 |
| 小暑 | 一尺六寸 | 六十四 | 三十五 | 百十九 | 二百四十七 |
| 大暑 | 一尺九寸 | 六十三 | 三十六 | 百十七 | 二百四十八 |
| 立秋 | 二尺五寸 | 六十二 | 三十七 | 百十四 | 二百五十一 |
| 處暑 | 三尺二寸 | 六十  | 三十九 | 百十一 | 二百五十四 |
| 白露 | 四尺二寸 | 五十八 | 四十一 | 百六  | 二百五十九 |

嘉靖八年刊



秋分

五尺三寸七分

五十一

五

四十四

五

百一

三

二百六

四

二

寒露

六尺六寸七分

五十一

九

四十七

一

九十七

九

二百六

八

十

霜降

八尺一寸七分

五十

五

四十九

五

九十三

三

二百七

三

七

立冬

九尺八寸

四十

八

五十一

六

八十九

三

二百七

七

三

小雪

一丈一尺二寸

四十

六

五十三

三

八十六

一

二百八

十

六

大雪

一丈二尺四寸三分

四十

五

五十四

四

八十四

一

二百八

二

六

求昏明中星

各以度数如夜半日所在則中星度

推五星術

木率千五百七十五萬三千八十二

火率二千八十萬四千一百九十六

土率千四百九十二萬三百五十四

金率二千二百六萬一十四

水率四百五十七萬六千二百四

推五星術

置度實各以率去之餘以減率其餘如紀法而一為入

歲日不盡為日餘命以天正朔算外星合日

求星合度

以入歲日及餘從天正朔日積度及餘滿紀法從度滿三百六十餘度分則去之命以虛一算外星合所在度



也

求星見日

以術伏日及餘加星合日及餘餘滿紀法從日命如前見日也

求星見度

以術伏度及餘加星合度及餘餘滿紀法從度入虛去度分命如前星見度也

行五星法

以小分法除度餘所得為行分不盡為小分及日加所行分滿法從度留者因前逆則減之伏不盡度從行入

虛去行分六小分百四十七逆行出虛則加之

木星

初與日合伏十六日日餘萬七千八百三十二行二度度餘三萬七千五百四晨見東方從日行四分百一十

二日行十九度十一分留二十八日逆日行三分八十六日退十一度五分又留一十八日從日行四分百一

十五日夕伏西方日度餘如初一終三百九十八日日餘五萬五千六百六十四行三十三度度餘二萬五千

二百一十五

火星



初與日合伏二十七日日餘六百八行五十五度度餘  
二萬八千八百六十五晨見東方從疾日行十七分九  
十二日行六十八度小遲日行十四分九十二日行五  
十六度大遲日行九分九十二日行三十六度留十日  
一逆日行六分六十四日退十六度十六分又留十日從  
遲日行九分九十二日小疾日行十四分九十二日大  
疾日行十七分九十二日夕伏西方日度餘如初一終  
七百八十一日日餘千二百一十六行四百一十四度度  
餘二萬二百五十八除一周定行四十九度度餘萬九  
千八百九

土星

初與日合伏十七日日餘千三百七十八行一度度餘  
萬九千三百三十三晨見東方行順日行二分八十四  
日行七度七分留三十三日行逆日行一分百一十日  
退四度十八分又留三十三日從日行二分八十四日  
夕伏西方日度餘如初一終三百七十八日日餘二千  
七百五十六行十二度度餘二萬一千七百九十八

金星

初與日合伏三十九日日餘二萬八千一百二十六行  
四十九度度餘三萬八千二百二十六夕見西方從疾



日行一度五分九十二日行百十二度小遲日行一度四分九十二日行百八度大遲日行十七分四十五日行二十三度六分留九日遲日行十六分九日退六度六分夕伏西方伏五日退五度而與日合又五日退五度而晨見東方逆日行十六分九日留九日從日遲日行十七分四十五日小疾日行一度四分九十二日大疾日行一度五分九十二日晨伏東方日度餘如初一終五百八十三日日餘三萬六千七百六十一行星如之除一周定行二百十八度度餘二萬六千三百三十二百九十一日日餘三萬八千一百二十六行星亦如之

水星

初與日合伏十四日日餘三萬七千一百一十五行三十度度餘二萬七千一百一十五夕見西方從疾日行一度六分二十三日行二十九度遲日行二十分八日行六度二十二分留二日遲日行十一分二日退二十一分夕伏西方伏八日退八度而與日合又八日退八度晨見東方逆日行十一分二日留二日從遲日行二十分八日疾日行一度六分二十三日晨伏東方日度餘如初一終百一十五日日餘三萬四千七百三十九行星如之一合五十七日日餘三萬七千一百一十五



行星亦知之

上元之歲歲在甲子天正甲子朔夜半冬至日月五星聚于虛度之初陰陽遲疾並自此始

梁武帝天監三年冲之子卿上疏論何承天曆乖謬不可用九年正月詔用祖冲之所造甲子元曆頒朔陳氏因梁亦用祖冲之曆至遼聖宗以賈俊所進新曆因宋大明舊號行之金曰重修大明曆傳至皇元亦曰重修大明曆及改授時曆別立司天監存肄之每歲甲子冬至重修其法書在大史院林莫得聞

志第十二

志第十二

遼史四十二

元開府儀同三司上柱國前中書右丞相監修國史都總裁臣脫脫修

曆象志中

閏考

月度不足是牛朔虛天行有餘是為氣盈盈虛相懸歲月乃牒積牒而差寒暑互易百穀不成庶政不明聖人驗以斗柄準以歲星爰立閏法信治百官是故閏正而月正月正而歲正歲月既正頒令考績無有不時國史正歲年以叙事莫重於此遼始徵曆梁唐入晉之後奄有帝制乙未



大明曆法再變穆宗應曆六年周用顯德欽天曆十年宋  
 用建隆應天曆景宗乾亨四年宋用乾元曆聖宗統和十  
 九年宋用儀天曆太平元年宋用崇天曆道宗清寧十年  
 宋用明天曆大康元年宋用奉元曆大安七年宋用觀天  
 曆天祚皇帝乾統六年宋用紀元曆五代曆三變宋凡八  
 變遼終始再變曆法不齊故定朔置閏時有不同覽者惑  
 焉作閏考

年 正 二 三 四 五 六 七 八 九 十 十一 十二

首缺  
五閏

太祖

神冊

年五

天贊

年

太宗

缺閏

天顯

二年

梁閏

閏

聖宗

康宗

閏

儀

嘉靖八年刊







年九 年六 年四 年九  
景宗 保寧 保寧 保寧

宋 大任 儼 閏

宋 閏

宋 閏

年六 年三 年一 年八  
年十 年九 年八 年七

宋 大任 儼 閏

大任 儼 閏

宋 大任 儼 閏

宋 閏

嘉靖八年九月

嘉靖八年九月



年七十 年四十 年一十 年九

閏 儼 大任 宋 高麗 誤當 年在九

宋閏

閏 大任 宋

宋閏 高麗

年六 年三和統 聖宗 年四 年二亨乾

大任 儼

閏 儼 大任

宋閏

宋閏

百加三順八年

卷之三

通志三

四



年八十二 年五十二 年二十二 年九十

未閏

宋閏

宋 大任 閏

大任 儼 異 閏 宋閏

年九 年七 年四 年元泰開

儼 閏

宋閏

宋閏

宋閏

異 宋閏

嘉靖八年刊

卷之三

五



年一十 年九 年六 年三平太

宋閏

宋閏

高麗 宋 大任 閏 儼

宋儼 閏

年一十 年八 年六 年三熙重 製宗

宋儼 閏

宋閏

宋儼 閏

高麗 宋儼 閏







咸雍三年 五年 八年 大康元年

宋閏

閏儼大任宋

閏儼宋

閏大任宋

三年 宋蒙 年 閏

六年

九年

大安四年

宋閏

閏儼大任宋

高麗 宋大任儼

嘉靖八年刊

卷之三

九



嘉靖八年刊

卷之三

年十 年七 年五 年二

宋閏

宋大任儼閏

大任儼閏  
異宋閏

宋閏

年五 年三昌壽 年十 年七

宋閏

宋大任閏

宋閏

宋大任儼閏











